



Republika e Kosovës

Republika Kosovo / Republic of Kosovo

Komuna e Rahovecit

Opština Orahovac / Municipality Rahovec

Drejtoria për Bujqësi, Pylltari dhe Zhvillim Rural



REPUBLIKA E KOSOVËS
REPUBLIKA E KOSOVËS



KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

Nr. i prot. 2152
Br. prot. Dt. 02.07.2020
RAHOVEC - ORAHOVAC

RAPORT I PUNËS

JANAR-QERSHOR / 2020



PËRMBAJTJA

DREJTORIA PËR BUJQËSI, PYLLTARI DHE ZHVILLIM RURAL	Gabim! Shenja e referimit e padefinuar.
Aktivitetet në periudhën: janar - qershor	3
Projektet e investimeve kapitale.....	6
Sektori i Pylltarisë	6
PËRFUNDIM	7

HYRJE

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Bujqësia, Pylltaria dhe Zhvillimi Rural janë sektorët kryesor të cilët mund të kontribuojnë dukshëm në zhvillimin e përgjithshëm ekonomik të vendit.

Fillimi i vitit është karakterizuar me përpilimin e planit të punës për vitin 2019, plani i hartuar është mjaft ambicioz i cili ka ngërthyer në vehte aktivitete të shumta në kuadër të drejtorisë së bujqësisë. Në kuadër të këtij plani është bërë edhe planifikimi i aktiviteteve, i ndarë në periudha tremujore.

Aktivitetet në periudhën: janar - qershor

Në kuadër të drejtorisë së BPZHR-së, nga janari janë realizuar një mori aktivitetsesh. Ndër më kryesoret do të paraqiten të specifikuar sipas kohës në të cilën kanë ndodhur.

- Ashtu siç e kemi paraparë me planin vjetor të punës, pranim i aplikacioneve për subvencionim të qumështit për gjashtëmujorin e dytë të vitit 2019 për fermerët blegtor (MBPZHR hap thirrjen për aplikim, Drejtoria e BPZHR-së pranon aplikacionet dhe të njëjtat i dorëzon në Ministri për pagesë kjo thirrje ka qenë e hapur nga: 15 janar deri më 15 shkurt).
- DBPZHR ka ndërmarr masat dhe është përgatitur me kohë për hapjen e thirrjeve nga MBPZHR për pagesa direkte (jemi kujdesur që të furnizohemi me material administrativ për të përballuar fluksin e madh të fermerëve),
- Sikurse vitin e kaluar, kemi kryer të gjitha përgatitjet rreth funksionalizimit të zyrave në dy qendrat më të mëdha të komunës sonë për aplikim të fermerëve, atë në Ratkoc dhe Krushë e Madhe. Me kohë jemi pajisur me qasjet e nevojshme në të gjithë softverët që janë të lidhur me plotësim të dokumenteve që kërkohen nga MBPZHR. Poashtu leje e veçant nga Agjencioni Kadastral i Kosovës për mundësinë e nxerrjes së dokumenteve të pronësisë edhe në këto dy qendra. E gjithë kjo me të vetmin qëllim për të ju lehtësuar fermerëve të komunës sonë këtë proces.
- Poashtu jemi përgatitur dhe kanë përfunduar me kohë procedurat për rritje të stafit në drejtori për pagesa direkte (janë pranuar 7 zyrtarë të rinj me kontratë për punë specifike të cilët janë trajnuar dhe aftësuar për përdorim të programit të ministrisë gjatë procesit të aplikimit dhe digjitalizimi i parcelave),
- Si vazhdimësi e projektit për përkrahje të fermerëve me mekanizëm bujqësor, në muajt janar dhe shkurt janë shpërndarë pajisje për fermerët përfitues me të cilët kemi lidhur kontratë. Poashtu është bërë verifikimi i mekanizmave bujqësor të shpërndarë nga komuna jonë, duke u bazuar në vendimin AD-HOCK të Kryetarit të Komunës

- Komisioni i caktuar nga kryetari për përzgjedhje të fermerëve përfitues të serrave për vitin 2019, publikimi i raportit me emra të fermerëve përfitues si dhe fillimi i ndërtimit të serrave duke lidhur kontratat me fermerë dhe duke pranuar participimin prej 20% të vlerës.
- Gjatë muajit shkurt si pasoj e erërave të forta janë shkaktuar dëme të konsiderueshme në serra. Komisioni ka dalë në terren për evidentimin e dëmeve të shkaktuar duke u bazuar në kërkesat e fermerëve, ka përpiluar procesverbal për secilin fermer dhe ka hartuar raport përfundimtar të cilin e kemi dërguar në Ministrinë e BPZHR-së së bashku me kërkesën për dëmshpërblim të fermerëve.

Tabela 1. Vlera e dëmeve të shkaktuara në serra nga erërat e fuqishme

Nr.	Kultura	Sipërfaqe e dëmtuar	Vlera
1	Serra me sipërfaqe të ndryshme	2,89 ha	71,863.89 €

- Fermerët tanë në fund të marsit dhe fillim të prillit janë ballafaquar me temperaturat të ulëta dhe ngrica, ku si pasojë e kësaj janë dëmtuar shumë kultura perimtare me theks të veçantë në patate dhe kunguj. Komisioni i formuar me vendim të kryetarit ka dalur në terren dhe ka bërë vlerësimin e dëmit të përmbledhur në raport detaj për secilin fermer.

Tabela 2. Vlera e dëmeve të shkaktuara nga ngricat pranverore

Nr.	Kultura	Sipërfaqe e dëmtuar	Vlera
1	Patate	117.18 ha	197,741.41 €
2	Kunguj	2.37 ha	4,740.00 €
Gjithsej		119,55 ha	202,481.41 €

- Në bashkëpunim me shoqatën e bletarëve është mbajtur trajnimi për fermerë bletarë të komunës sonë, në këtë trajnim bletarët e komunës sonë u njohën për së afërmi për zgjidhjen e problemeve që shkaktohen te bletët.
- Poashtu në bashkëpunim me kompaninë ALMAKO-QFPB është organizuar trajnim për blegtorët e komunës së Rahovecit me ekspert nga Austria të kësaj fushe. Temë e trajnimit ishte "Menaxhimi i Silazhit dhe standardet e BE-së për ndërtimin e stalave të gjedhit"
- Nga mesi i muajit mars kur është shfaqur pandemia COVID-19, është ndaluar edhe lvizja e fermerëve për të kryer aktivitetet e nevojshme në fermat e tyre. Ne si drejtori kemi bërë të vazhdueshme që fermerët tanë të lejohen të lëvizin. Mbi bazën e kësaj kemi kërkuar nga Qeveria e vendit që asesi fermerëve të mos iu ndalohet lëvizja. Kërkesa jonë është aprovuar dhe gjatë kësaj periudhe i kemi pajisur të gjithë fermeret me dokumente të nevojshme (NIF) siç është kërkuar nga MBPZHR-ja.
- Në bashkëpunim me organizatën IADK me të cilën kemi të nënshkruar marrëveshje bashkëpunimi në kuadër të projektit për të Ri-atdhësuarve kemi bashkëfinancuar 6 fermerë përfitues në mekanizëm bujqësor.

- Kemi zhvilluar procedurat në bashkëpunim me zyrën e prokurimit për shpallje të tenderit për: Konsulencë dhe Hartim i projekteve për fermer, është lidhur kontrata dhe jemi në pritje të hapjes së thirrjes për grante nga MBPZHR.
- Në bazë të vendimit të Kryetarit të Komunës Nr.712//72, 713/72, 714/72 dhe 715/72 Komisioni për vlerësimin e dëmeve në bujqësi të shkaktuara nga breshëri dhe shirat e rrëmbyeshëm me datë 19 dhe 20 Maj 2020. Komisioni ka bërë mbledhjen e të dhënave në terren dhe ka përgatitur raport detal i cili është dorëzuar në MBPZHR së bashku me kërkesën për dëmshpërblim për fermerët.

Tabela 3. Vlera e dëmeve të shkaktuara si dhe sipërfaqet e dëmtuara.

Nr.	Kultura	Sipërfaqe e dëmtuar	Rendiment i dëmtuar në kg	Vlera në €
1	Perimekulturë	233.55	6,483,100	1,636,989.00 €
2	Lavërtari	150.08	444,512	102,346.08 €
3	Vreshtari	368.84	2,767,124	890,454.00 €
4	Pemëtari	4.20	28,772	11,311.80 €
TOTAL		756.67		2,641,100.88 €

- Zyrtarët e DBPZHR-së gjatë kohës së pandemisë kanë qenë vazhdimisht në terren duke vizituar fermerët dhe duke kërkuar nga ata që ti respektojnë rekomandimet e IKSHPK-së. Përveç kësaj janë grumbulluar të dhëna mbi humbjet që iu janë krijuar fermerëve si shkak i mungesës së tregut në kohën e pandemisë për shitjen e produkteve të gatshme.
- Duke pasur parasysh nevojën për shitjen e produkteve të gatshme të prodhuara nga fermerët tanë, kemi bërë kërkesë të vazhdueshme për hapjen dhe funksionalizimin e tregut të gjelbërt, ku kemi dërguar kërkesë zyrtare në Qeverinë e Republikës së Kosovës. Poashtu kemi hartuar planin operativ për mbarëvajtjen e shitjes së produkteve duke iu përmbytur në përpikshmëri rekomandimeve të IKSHPK-së.
- Për humbjet që iu janë shkaktuar fermerëve tanë si pasojë e pandemisë COVID-19, kemi adresuar kërkesë zyrtare Qeverisë së Republikës së Kosovës për përfshirje të fermerëve në Pakon Emergjente Fiskale
- Janë inicuar procedurat e prokurimit për shpallje të tenderit për projektin " Ndërtimi i serrave me participim 80%-20%"
- Pranimi dhe përgjigje ndaj kërkesave të ndryshme nga qytetarët, si kërkesa për marje të tokës bujqësore në shfrytëzim, pagesat e qeras së tokave bujqësore komunale dhe kërkesa për ndërtim-destinimi të tokave bujqësore në ato ndërtimore
- Shërbime të tjera në kuadër të drejtorisë si: Vërtetim për fermer, NIF, ndërtim i destinimit të tokës bujqësore, vlerësim të dëmeve të shkaktuara në sektorin e bujqësisë

Projektet e investimeve kapitale

Qysh në fillim të vitit kanë rifilluar punimet në projektet ku kemi kontratë me Operatorët Ekonomik.

Ka vazhduar ndërtimi i serave të pa përfunduara pas shpalljes së rezultateve nga komisioni, duke përmbytur kontratën aktive në kuadër të kësaj kontrate janë ndërtuar 15 serra 3 ari dhe 11 sera 5 ari.

Në projektin "Ndërtimi i infrastrukturës për festivalin dhe tregun e rrushit" kanë vazhduar punimet e fazës së dytë, kryesisht është bërë ndërtimi i shtëpizave (tezgëve) prej druri në pjesën e poshtme dhe përgjatë rrugës që shërbejnë për ekspozim dhe shitje të produkteve bujqësore. Ndërkohë do të vendosen edhe ulëset dhe do të bëhet mbulimi i trafave elektirke me dru si dhe mbjellja e drunjëve dekorativ.

Projekti për rregullimin e rrugëve fushore ka vazhduar dhe është punuar në të tri lotet, kryesisht në fshatrat:

- Lot 1: Dejnë, Vrajak, Ratkoc, Malësi e Vogël
- Lot 2: Rahovec, Senoc, Pastasel, Drenoc, Kaznik, Polluzhë, Nushpallë, dhe
- Lot 3: Hoçë e Vogël, Brestoc, Nagafc.

Gjatë kësaj periudhe nuk kanë mbetur anash as projektet e trajtimit të kanaleve të kullimit, kryesisht është punuar në dy projekte, Kanali i kullimit të tokave bujqësore ne fshatrat Malësi e vogël, Ratkoc si dhe projekti i kullimit të tokave bujqësore në Xërxë.

Sektori i Pylltarisë

Edhe sektori i pylltarisë kishte aktivitetet e planifikuara gjatë kësaj periudhe raportuese. Qysh në fillim është hartuar plani operativ për pyllëzimin e sipërfaqeve të reja. Ky plan parasheh të mbillen 20 ha me pyje të reja të llojeve: Pishë e Zezë, Bung dhe Dushk.

Sikurse sektorët e tjerë edhe ky sektor e pësoi nga pandemia COVID-19. Pikërisht në kohën e ndalesave qyterarët vërsuan malet për të kaluar kohën ku kanë ndezur zjarre dhe nga pakujdesia e tyre janë përfshirë shumë sipërfaqe me zjarr në pyje, duke shkaktuar dëme të konsiderushme dhe duke djegur mbi 250 ha me pyje të ulëta.

Në këtë periudhë rojet e pyjeve ishin mjaft aktiv në mbrojtje dhe ruajtje të pyjeve, duke kryer detyrën ndaj keqbërësve dhe prerësve ilegal të drunjëve ku në bazë të kësaj janë lëshuar 12 fletëparaqitje në gjykatë dhe janë realizuar 8 raste gjyqësore.

PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese.

Duke u bazuar në planin e punës kemi devijim nga ajo çka ne kemi planifikuar pasi që periudha e parë që përfshinë muajt janar, shkurt dhe mars kemi paraparë që të zhvillohet procesi i aplikimit për pagesa direkte-subvencione në kuadër të MBPZHR-se, dihet që akoma nuk është hapur thirrja dhe për këtë arsye kemi mospërbushje të planit të punës me raportin për këtë periudhë.

Kontakti me qytetarët dhe me grupet e interesit për të trajtuar dhe zgjidhur së bashku kërkesa, nevoja dhe interesa të tyre, është i vazhdueshëm. Zyrtarët e DBPZHR-së vazhdimisht janë në terren duke takuar fermer në sektor të ndryshëm dhe duke iu ofruar këshilla të nevojshme rreth aktiviteteve agroteknike nëpër fermat e tyre. Poashtu nga fermerët kemi marr informata për pajisjet që iu nevoiten atyre, ku ne do të i përfshijm në thirrjet për aplikim që do të hapen në gjashtëmujorin e dytë.

Vlen të theksohet se gjatë kësaj periudhe të pandemisë stafi i DBPZHR ishte i reduktuar, mirëpo kjo nuk ka ndikuar që fermerët tanë të ngecin në marrjen e shërbimeve të nevojshme në drejtorinë tonë.

Kemi krijuar raporte të mira me OJQ-të, me grupe të ndryshme, profesionist të fushave, me theks të veçant inxhinier të bujqësisë ku kemi pranuar këshilla, vërejtje dhe ide në mënyrë që të përmirësohemi dhe të zhvillojmë bujqësinë përditë e më mirë.

19.06.2020

Rahovec

